

同治九年重刊

刑

錄

縣署藏版

序

山陰蘭亭禊刻雪舟一時清風萬古冰雪王謝抱經濟具
二戴深經學奈何純曰高逸也嗚呼山川顯晦人也人隱
顯天也天下多奇山川而一禊一雪致有爽氣可謂人矣
江左人物如此然二戴刻王謝亦刻孫阮輩又刻非天乎
漢迨晉永和六百餘年右軍諸人乃識刻永和至皇宋嘉
定幾千年史君尹刻訪似孫錄刻事刻始有史桑欽水經
酈道元註道元魏人先儒辨其北事詳南事畧似孫鄮人
也如其精覈俟刻人

刻錄

序

宋嘉定甲戌高似孫序

序

剡在漢爲縣在唐爲嵎州未幾復爲縣本朝宣和間以剡爲兩火一刀不利於邑故更今名邑舊有鄉四十後分十有三別爲新昌縣今所存纔二十七鄉耳夫州縣之名雖數變更然山川之靈蓋自若也使剡古而有志則歷代因革廢興之典百世可知也予懼夫後之視今亦猶今之視昔故爲剡錄十卷錄皆高氏所作凡山川城池版圖官治人傑地靈佛廬仙館詩經書史草木禽魚無所不載度此版可支百年後之人毋以印刊而輒廢斯書也

剡錄

序

宋嘉定八年歲次乙亥縣令鄞人史安之序

刻錄目次

宋高似孫著

卷一

縣紀年

城境圖

官治志

古今長

社志

學志

修學碑

淵源堂

進士登科題名

艤雪樓

戴溪亭

版圖

兵籍

卷二

山水志

卷三

刻錄

目次

人士

列女

仙道

高僧

卷四

古奇蹟

古阡

卷五

書

文

卷六

上下

詩

卷七

畫

紙

古物

卷八

道館

僧廬

卷九

草木禽魚話上

卷十

草木禽魚話下

刻錄

目次

二

剡錄卷一

宋高似孫著

縣紀年

越都督紹興府為縣八望曰嵯縣字書曰四山為嵯四水為雲縣有嵯

據惟園王氏珊亭喻氏校本高氏藏譜校正

山鄞道元水經曰嵯山與嵯山相連又有嵯亭十道志曰剡至嵯亭絕

譽石聲水華海賦漂沙巖百又云驚浪雷奔詩蓋用其語 巖石一作與石一作攀石

東齊僕射張稷宰此縣生子名嵯字四山虞騫至嵯亭詩命揖尋嘉會信次歷山原捫蘿上雲紉磐石下雷奔澄潭寫度鳥空嶺應鳴猿榜歌唱將夕商子處方昏

漢剡縣屬會稽郡道書曰兩火一刀可以逃言剡多名山

火一刀可以逃自漢以來擾亂不少故剡稱福地梅福四明山記曰魏楊德祖至四明山逢一老人老人曰我

剡錄卷一

見澗中涌泉流一金刀兩仙人把神火趁之可往尋之德祖行前見兩人把神火及得水中金刀可長二尺二

人者見德祖倏去德祖曰兩火成炎字炎邊得刀是為剡字因號剡溪又曰剡山德祖為銘二百字刻此峯羅

隱剡景詩兩火一刀罹亂後會須乘興月中行

唐武德四年平李子通唐鄭言有平剡錄一卷以剡縣立嵯州及剡

城縣八年廢嵯州及剡城以剡縣仍屬越州趙嘏發剡中詩正懷

學一作寺

王謝俯長流更覽餘封識嵯州樹色老依官舍晚溪聲涼傍客衣秋南巖氣爽橫郭郭天姥雲晴拂字樓日暮不堪還上馬蓼花風起路悠悠趙嘏詩蓋用嵯州也

宋宣和三年方臘平改剡縣為嵯縣知越州劉述古言剡

有兵火象欲以嵯名縣詔從之



城境圖

城

按漢剡縣城在今縣東北舊經曰嵯城周十二里高一丈厚二丈輿地志曰城開門向江縣不開南門開即有寇唐武德中立剡城縣有城池括蒼管晉修城記曰會稽縣入剡為清勝承平日久橫目習治庚子之冬賊寇狂勃剡寇應之縣有城壘圯勿克守為賊巢穴明年春帥劉公述古統制一道掃清賊黨謂令張誠發庀徒度事課工督程出糶粟以餽夫孽地段以就役甫閱旬朝完壁高堞城之環亘十有二里未幾寇率其徒擁梯壁下仰視完壯失氣奪色將兵出銳掩之俘馘自是竄伏孽不熾焉侯智宏遠知所先務借不急此孰與民保時績維茂磨石無愧宣和三年作

門

東曰東曦西曰西成南曰望仙北曰通越

剡錄

卷一

二

坊

坊二十四曰訪戴秀異字民佐理集賢招提繼錦通安繼孝齊禮遷善桃源兆慶迎春嘉會仁德弦歌醴泉清河進德妙音豐義成俗化民

鎮

縣東一百步為剡鎮出舊經今廢邑民於縣西惠安寺前池內得一石題曰瞻都鎮又曰當鎮奉敕旨重開河池以防火燭己丑歲二月日開北岸池天慶觀有錢氏時東都文移蓋稱杭為西都越為東都此鎮即是剡鎮

錢氏有所更易耳 又蛟井鎮在縣西南一十五里舊經曰山下有井井有蛟因是爲名宣和四年置

寨

長樂鄉寨在縣西南五十里宣和三年知越州劉述古奏置

管界寨在縣西七十里紹興二十年浙東諸司奏創

境

在府東南一百八十里境東西二百七十六里南北七十里東至奉化縣一百四十里界陸照嶺西至諸暨縣

刻錄

卷一

三

一百三十六里界勞績嶺南至新昌縣一十五里界胡厓北至會稽縣五十五里界池湖東南到新昌縣界一十五里西南到東陽縣界九十里東北到上虞縣界六十六里西北到會稽縣界六十二里

鄉

崇信鄉有休祥甘泉竹山懷安剡中里

莖節鄉有灌濤昇仙馴習思善澄江里

靈山鄉有欽義下闡靜安守義崇孝里

金庭鄉有昌化善文維新永寧緣德里

案今志作駟馴
習今志作馴龍

緣德今志作歸
德

從化今志作崇

忠節鄉有三峯孝嘉石鼓忠節脩仁里

孝節鄉有新豐從化招安綏安方山里

孝嘉鄉有石鼓桐柏安樂忠節安義里

崇仁鄉有感化霞邱靜林歸善愛敬里

永富鄉有克遜西清東闡餘風禪房里

崇安鄉有澄清懷善依賢化俗清安里

富順鄉有長敬新安溫泉慈烏里

清化鄉有懷善開明欽賢習善招賢里

羅松鄉有紫巖雙壁中川斷金豐樂里

刻錄

卷一

刻元今志作刻

源

刻元鄉有尊賢澹城中和光明崇善里

昇平鄉有承霞靜豐尚賢太和五山里

仁德鄉有甘棠永樂餘糧歸仁金塘里

方山鄉有全節永壽懷仁通山光德里

禮義鄉有長安仙林平樂懷忠新安里

桃源鄉有永闡白泉長樂崇信安居里

積善鄉有南巖雙壁中川豐樂斷金里

繼錦鄉有馴善琴轅鳴弦戴星遷星里

開元鄉有靖居迴鄉招仁居賢冰魚里

豐樂今志作農

樂

剡元今志作昭
仁義禮今志作
禮義

長樂鄉有崑山陽明剡元義禮寧安里

太平鄉有壁澤擇賢懷仁建昌懷信里

康樂鄉有遊謝宿剡竹山康樂感化里

遊謝鄉有康樂明登宿星暝投吹臺里

靈芝鄉有石牀東節正筠化善里

按水經注楊哀
明居於宏訓里
無嶮縣二字

水經曰吳黃門郎楊哀明居嶮縣宏訓里考之地圖今
無此里也葦節舊經曰葦音無字書曰葦莢也本草通
曰蕪繼錦舊名治化天聖中邑人史綸登進士第其子
叔軻繼之縣令魏炎改今名齊唐題史氏西園詩戴水
寒流對軒檻桃源深徑入漁樵陳克詩雨裏落帆遊謝
鄉寒聲古木共荒涼四山為我洗蒼玉況有故人歸上
方故人在彥章也
時寓東山國慶院

剡錄

卷一

官治志

縣治據剡山之陽歷坡而升樓觀竦峙頗似會稽府譙登
眺所臨溪山陳象如顧凱之所云千巖競秀萬壑爭流者
孔曄會稽記曰剡縣治在江東吳賀齊令剡始移今治公
廳相值舊有德星堂名迎薰堂今堂既廢扁榜亦不存所
可考者有宣和間盧天驥詩云剡縣詩亦何人作堂餉
客名迎薰雖無桃李繼潘令紅梅一樹入雲東有東園
有四山閣閣規模卑隘寢就傾圯固存而巳嘉定八
年尹史安之誅茅營新屋且撤舊而更其址廣四

一作直

今作令

山閣即廳之東為堂復舊迎薰之名其北為面山堂累石成山玲瓏盤錯因山之址注水為池雜藝卉竹相與映發亭榭參錯殆十餘所皆史尹之所創也

古今長

吳卜靜字元風吳都人為剡令

賀齊字公苗山陰人為剡長吏斯從為姦斬之從族黨糾合千餘人攻縣齊開城門擊破之

晉周翼郗鑿之外甥少遇饑亂賴鑿得存郗亡翼為剡縣令解職歸心喪三年以報其德後歷青州刺史少府卿

剡錄 卷一

六

謝奕字無奕陳郡陽夏人父裒為吏部尚書奕少有器鑒歷郡太守掾為剡令有一老翁犯法謝以醇酒罰而遣之累遷豫州刺史追贈鎮西大將軍

李充字宏度江夏鄖人初辟丞相掾嘗歎不被遇殷楊州知其家貧問君能屈志百里否李答曰北門之歎久已上聞窮猿奔林豈暇擇木遂授剡縣令

殷曠之仲堪子有父風仕至剡令

宋王鎮之字伯重祖耆之位中書郎父隨之上虞令鎮之為剡令並有能名

周顒字彥倫宋明帝頗刻元理以顒有辭義引入殿內
親近宿直帝所爲慘毒顒輒誦經中因緣罪福爲之少
止元微中爲剡令有恩惠百姓思之

齊張稷字公喬母疾時稷年十一侍養夜不解帶每劇則
累夜不寢及終毀瘠過制杖而後起州里謂之純孝齊
永明中爲豫章王嶷主簿以貧求爲剡令會山賊唐寓
之作亂稷率厲部人保全縣境

梁王懷之剡令

陳徐陵剡令

剡錄

卷一

七

唐張子胄剡令

皇朝令題名

周在田

晁炎

陳求古

譚雍

魏炎

蓋參

林概

章珣

過昱

沈振

丁寶臣

聶長卿

胡格

高安世

舊作六年誤

劉繪

江相

鄭宗回

晏明遠

宋順國

施佐一名仲素

侯臨

蘇駟

賈公述

宣德郎元豐元年
是年新官制行

宋廣國

錢長卿

王知元

吳賁

史祈

劉旦

張諤

呂必強

俞應之

刻錄

卷一

八

符綬

程容

張慶遠

鄒秉鈞

孫汝秩

宋旅

孫潮

莫伯軫

應彬

楊植

宋宗年

范仲將

姜仲開

錢塢

趙不遐

毛鐸

郭康年

蔡純誠

一本孫潮下有
張誠發縣志同

韓 晦

李耆年

趙 漁之

郭契夫

趙伯楸

任望之

蘇 詡

吳 幬

陳嘉謨

李耆碩

張商卿

韓元脩

鄭逸民

季光弼

成欽亮

張 注

李 拓

陳 謨

刻錄

卷一

九

葉 夔

劉 槩

周 悅

詹父民

滕 璘

胡大年

謝槩伯

趙汝遇

史安之

蔣志行

趙彥傳

魏 峴

蔣 峴

劉長卿寄刻中諸官詩

訪舊山陰縣扁舟到海涯故林嗟滿歲春草憶佳期晚景千峯亂晴

江一鳥送桂香留客處楓暗泊舟時舊石曹娥篆空山夏禹祠刻裏多隱吏君去道相思

塚一作豪鳥
作鳥仙骨一作
仙署廢一作費

許渾送剡縣薛明府詩

車馬楚城塚清歌送濁醪露花羞
別淚煙草讓歸袍鳥浴春塘暖猿

吟暮嶺高尋仙在
仙骨不用廢牛刀

方干和陳明府登縣樓詩

郭裏人家如掌上簷前樹木映
窗櫺煙霞若接天台地分野應

侵婺女星驛路古今通北關仙溪日夜入
東溟綵衣才子多吟嘯公退時時見畫屏

方干送剡縣陳永秩滿歸越詩

俸祿三年後程途一月間
舟中非客路鏡裏是家山

密雪霑行袂離盃變別顏古人惟賀滿
今挈解由還按解由全唐詩作解田

王荆公寄丁元珍詩

溪水渾渾來自北千山抱水清相射
山深水急無艇子欲從故人安可得

故人昔日此水上樽酒扁舟慰行役津亭把酒坐一笑
我喜滿顏君動色論新講舊惜未足落日低澗已催客

離心自醉不復飲秋果初寒空滿席今年卻坐相逢處
惆悵相逢別時迹可憐溪水自南流安得溪舟問消息

剡錄

卷一

十

陸經送丁中允宰剡詩

塵土官曹幾處間君今作邑好開
顏落帆直向剡溪口入境先登天

姥山魚鳥半和風俗處雲霞多雜簿書
間雪晴須去尋安道莫作經宵與盡還

王平父送聶剡縣兼呈沈越州詩

剡溪清瀉映檀欒天姥
花飛載酒船憶我少年

來蠟屐羨君今日去鳴弦從容人樂漁樵外瀟灑
詩隨簿領邊太守相逢應見問為言多病憶林泉

丞治

在縣之東南佐理
坊治東有日哦軒

題名

季祐之

林通

苗元齋

毛直

沈昇

常棣

後
毛直志列沈昇

趙士叟

許殷

曾勰

劉佺

呂橫

王中孚

時瑋

韓愿胄

章調

周玘

吳枏

高子津

陳戍

梁立

吳道夫

陳彭壽

項鄂

唐仲義

剡錄

卷一

士

蘇彬

陳昌年

楊浚

樓瀟

俞杭

沈俊心

解汝爲

楊遵

張子榮

應泰之

趙宗護

劉厚南

王彝倫

簿治 縣之右依剡山巔有登眺趨山址多林樾嘉定八年尹史安之創建於縣左訪戴驛之舊址治有朔風堂

題名

宗護一本作崇
護

文繩世

劉士野

吳雍

陳友仁

司馬僖

蔣鐔

刁駿

靳擴

蘇林

江濤

鄭圭

趙崇規

葉梓

趙善恕

陳秉禮

鄭宰

鄭伯行

邊沂

剡錄

卷一

三

錢觀光

趙諫夫

姜強立

徐愿

李密

沈文煥

沈恣

趙必鼎

羅隱寄剡溪主簿詩

金庭養真地朱篆勾稽官境勝堪長往時危喜暫安洞連滄海闊山擁赤

城寒他日拋塵土因君擬鍊丹

梅聖俞寄剡溪主簿臧子文詩

剡溪無淺深歷歷能見底潛鱗莫若穿塵絨聊堪洗

古木潭上陰遺祠巖下啟應識道傍碑因風奠醪醴

尉治鄰丞治之東治西有吏隱軒

題名

吳秉

宋易

薛鎡

韓晝

干閱

楊矩

程衍

侯杞

林懋能

祝溥

陸釜

杜師顏

吳正國

張永

魏興祖

趙師向

剡錄

卷一

七

謝深甫

陳紀

于汝功

鍾闡

林昇

向工貴

趙舉

錢聞善

胡之邵

宋元老

趙崇原

支文

趙彥垠

吳元章

任謙之

黃飛

姜漸

邵三傑

程衍一本作陳

于二作干

權官治 治在縣南三十步為稅所 廳舊在縣東
遷善坊縣尹史安之移於縣西之化民坊

社志

社 舊經在西南後移在北嘉定八年尹史安之重建於縣西

學志

崇寧二年以舊學增建五年六月罷八月復置五學十區
為緡錢一千四百三十有七糧為斛一千五百四十學
長論直學各一人齋長論各一人學生文士五十人武
生闕焉小學教諭一人小長一人學生四十人出政和
學制嘉定八年尹史安之得絕產

刻錄

卷一

高

舊經載孔子廟堂在縣東南慶歷八年縣令丁寶臣所創

臨川王安國平父為記 今不存

脩學碑 慶歷八年五月日

太子中允 丁寶臣

天之道運乎土地之道處乎下聖人之道行乎其中一物
不生非天地之道一民不治非聖人之道自堯舜禹湯
文武成康至孔子千餘年治天下者同其道也亂天下
者異其道也刻令沈振初作學舍未及完而徙他官寶
臣至則嗣而成之遷殿於其中塑孔子像高弟十人配
坐左右新門巖巖應門耽耽兩序翼翼中庭砥平令與

學者春秋釋奠朔望朝謁於斯學也其可廢乎噫聖道與天地無窮天地毀則聖人之道或幾乎熄學其可廢乎宣和中熾於盜建炎元年令應彬建孔子殿後三年蜀郡范仲將始置廊廡又明年淄川姜仲開始大之脩學碑紹興五年七月甲午王銍汝陰

岷西南隅崇寧之麓下臨剡溪山川環拱氣象雄張有學焉慶元元年元珍始加興葺宣和初焚於兵建炎元年令應侯彬建孔子禮殿三年春蜀郡范侯仲將崇廊廡備像設因其舊而升大之又明年淄川姜仲開以學為急又建學堂移殿廡與門南向致厚於學者靡不

剡錄

卷一

五

至也落成於紹興五年秋先王建學校匪在弦誦威儀以德行道藝教養成其才將以明師友之道世無師友道不傳也孔門答問獨於顏子告其大者子夏子張為諸侯師子貢築室原憲棄仕所被者遠也孔子沒而學進者曾子也一以貫之許之以道矣曾子傳子思子思傳孟子所謂忠恕所謂誠明所謂養氣一也今夫辯足以使四方勇足以將三軍一為不善不足以訶僕妾氣憚失據不在大也是未聞孟子曾子子思大勇乎學者顯窮齊致生死不變蹈道自樂至於沒齒不可一日

孔子沒而學進
有一本進下有
字

廢其常心而已晉南渡王謝孫李支許之倫初過浙江
為剡中山水清放之遊一時稱高曾不知邑東餘姚有
諸馮之地舜所生也其北會稽之地禹所沒也舜禹功
被萬世而有見於遺俗亦聞聖人之至德乎范侯俊明
高爽健於立事姜侯剛明廉肅政在急吏寬民人大化
服郁郁然洙泗之風矣儒學為吏師政事出經術戎馬
之間力興學校知急所先所立卓矣俾刻於石知所勸
焉性之外舅曾公哀以書稱此記曰會稽之地但知王
謝風流不知諸馮禹蹟實為風俗所繫其有益世教
乎

剡錄

卷一

七

脩學碑

乾道癸巳七月

左奉議郎主管
台州崇道觀

周汝士

簿栝蒼江公尉臨海謝公視事之初謁夫子廟歷視傾欵
上漏下溼諸生無所歸因愀然曰政孰先於此同心之
言其應如響於是定規模審材用聚餼糧命徒庸弊者
葺之壞者新之課有限試有法誘掖不倦發於至誠諸
生激昂日進於學剡之文治熠然一變蓋數十年未有
也古之仕者以其所學後之仕者以其所不學古之學
者一毫未信而使之仕雖聖人有所不能後之學者幸
而入政往往視所學為空言謾不知省日從事於斯吾

知爲政而已也不知所學爲何如也昔魯修泮宮魯公于邁無小無大蜀起學宮邦人向化鴻儒奇士間生特起異時揆藻天庭淵源四海如游夏輩可不知所自耶

新學

舊在縣西五十步嘉定七年尹史安之移建於縣西南繼錦坊爲屋百區前有泮水秀異亭

嘉定七年史安之行尹事三歎舊宮荒隳士失肄業相攸剡山庚兌之隅樂其崇峻敞開山水明美如杜子美所謂剡溪秀異李太白所謂剡水石清妙者迺匠新宇獻獻巍巍志於鑑風教琢翹楚也嗚呼作學非難也繼難也繼非難也知爲難也然豈無知者乎晉湛方生修學

剡錄

卷一

七

教曰嶺居雲霞之標澤流清曠之氣山秀水清荆璞在此剡山水有之魏曹植孔子廟頌曰修復舊廟豐其甍宇莘莘學徒爰居爰處王教旣修永作憲矩剡學者圖之

新學記

袁燮

曠古剡也剡溪蘊秀異欲語不能忘杜少陵之詩云爾夫秀異之氣周流磅礴鍾爲人物必有資稟英粹爲時翹楚者其可輕哉變庀職成均日延四方士相與款語觀其爲人有端方者有謹厚者有志氣不羣者有俊敏可

喜者品彙雜然未易枚舉非獨通都大邦人材之所自出雖僻郡小邑亦未嘗乏人因是思人才之生何地蔑有今猶古也維古盛時待士類甚厚長養磨淬不厭不倦良心德性日益著明於是乎皆爲善士隨才器使有功有業卽今之士類而以古人長養磨淬之道與之周旋遲以歲月則亦當有不可勝用之才豈不甚可貴哉不惟膠庠如是抑郡若縣之學皆能用是以淑士類承學之流躍然奮發者亦必多有之茲理甚明任是責者不可不勉四明史侯之爲嵬宰也悼學宮之壞棟撓柱

刻錄

卷一

六

欵岌岌將壓俊秀朋來肄業無所欲一新之役大而費廣資諸衆力義不可彊則以身任之日事未有不可爲者節浮冗宰滲漏裕財之源用由是足主簿徐君愿甚偉茲舉曰此吾所欲爲願力不逮爾議罔不合事由是集舊學在城之隈地非夷塏氣鬱不舒周覽以求勝處乃得今地臨流負山而勢宏傑經始於去秋而告具於今春自大成殿至於兩廡重門自明倫堂至於東西齋序自倉庫至於庖瀆凡屋百間堅壯軒豁遂成偉觀而纖芥不擾士業其中雍雍愉愉有雲飛川湧之適侯及

主簿君皆有書來屬變識之變不敢辭侯名安之字子由太師之孫今丞相之從子生長金玉淵海之間益自砥礪不溺豪習而留意於學宮如此可謂知本務矣諸生涵濡教育何以報稱亦惟有志於道靜觀此心與天地同本與聖賢同類我欲爲善誰能禦之充火然泉達之端謹握苗茅塞之戒更相磨厲儒風大振則侯之至望也尚勉之哉嘉定八年四月乙未朝散郎試祕書少監兼國子司業兼國史院編修官實錄院檢討官袁燮記

刻錄

卷一

十九

淵源堂孔門像

刻周氏作淵源堂製先聖十哲坐像列畫七十二子爲一堂闢富學輝聲集彥擢秀恢義五齋又有細論堂蘊秀軒同襟館蘭馨室時永嘉王公十朋居師席台溫秀士咸在館塾王公記曰孟子曰君子深造之以道欲其自得之也說者因孟子之言論淵源之學本乎自得非傳授所能嗚呼是見孟子之言不究孟子之不必言也夫欲造道於未得之前不資諸師友可乎必深造而後能自得非孟子有所不能言未有舍師友而自能深造者

此又孟子所不必言也孟子知性為善知道莫大乎仁
義為七篇書其自得有如此者世之學者多矣自得者
鮮父兄之教子弟因非無師友也命之之意殆不過傳
句讀習文詞爾鮮有及乎道學之淵源望其深造自得
可乎周君手誡子孫曰親師友之淵源噫君之家訓過
人一等矣慮子若孫懈而勿遵為名其堂且記其事似
孫曰家有塾黨有庠古人之教也王公之記其敘若此
豈不足以裨風化美習俗乎取以系諸學

進士登科題名

刻錄

卷一

一

史

綸

天聖五年
王堯臣榜

史叔軻

綸之子景祐元
年張唐卿榜

茹

約

慶歷二年
楊寘榜

茹開

皇祐五年
鄭獬榜

姚

勔

嘉祐四年
劉輝榜

史安民

熙寧九年
徐鐸榜

黃

特

元祐六年
馬涓榜

求移忠

紹聖元年
畢漸榜

姚

舜明

紹聖四年
何昌言榜

求元忠

崇寧二年
霍端友榜

黃

唐傑

宣和三年
何煥榜

馬佐

紹興十二年
陳誠之榜

茹

紹庭

紹興十五年
劉章榜

周汝士

紹興十八
年王佐榜

茹

驥

紹興十八
年王佐榜

周汝能

紹興二十七
年王十朋榜

周

之綱

淳熙二年詹
駉榜上舍

唐

錡
淳熙二年詹駉榜

白公焯 淳熙十一年衛經榜

石宗萬 淳熙十四年王容榜

周之瑞 淳熙十四年王容榜上舍

郭綽 淳熙十四年王容榜

宋叔壽 紹熙四年陳亮榜

石宗魏 慶元元年鄒應龍榜

王復明 慶元五年曾從龍榜

茹駢 慶元五年曾從龍榜

石孝溥 慶元五年曾從龍榜

任必萬 開禧元年毛自知榜

過文煥 開禧元年毛自知榜

周之章 嘉定元年鄭自誠榜上舍

茹或 嘉定四年趙建大榜

姚鏞 嘉定十年吳潛榜

周宣子 嘉定十年吳潛榜

過必案 嘉定十三年劉渭榜上舍

周溶孫 嘉定十六年蔣重珍榜

廩

舊在縣西山頭嘉定八年尹史安之移置縣前

驛

驛名訪戴舊在縣左之訪戴坊嘉定八年尹史安之重建

於東門之外水行而舟陸行而車皆於此判袂人以爲

得津埃之要焉

艤雪樓

嘉定八年尹史安之新創出東門在訪戴驛之南下俯清

溪前列鼻障樓之下扁曰剡川一曲

剡錄

卷一

戴溪亭

出南門枕碧溪有戴溪亭佳山清澗芊林十渡蔚茂平遠
盡入臨眺王銍戴溪亭詩碧玉仙壺表裏清我來閒伴
白雲行四山迤邐青圍野一水蜿蜒碧遶城試問春來
觀秀色如何雨後聽寒聲老人飛馭煙霞外落日空含
萬古情又詩天上東風轉斗星天涯羈客尚飄萍道塗
只謾經殘歲風雪那堪客旅亭春到怯添雙鬢白夜寒
愁對一燈青絕憐萬古淒涼恨不計樽前一醉醒玉梅
溪戴溪亭詩剡水照人碧剡山隨眼青吾來非雪興暫

剡錄

卷一

三

上戴溪亭尚書芮公輝持憲節登此亭賦詩溪山之興
無時盡興盡名亭意可知出岫孤雲含細雨投林宿鳥
愛深枝風流已是千年事公案今成七字詩短棹悠然
隨所適人生出處要如斯亭舊名戴溪芮公更爲興盡
今仍舊名

放生池

出北門半里有亭名恩波亭之前後皆有池

版圖

田爲晦三十七萬五千七百三十八廢者爲晦八千四百

二十今爲晦三十六萬七千三百一十有二嘉定以後
晦

夏輸上供折帛錢爲緡四萬二千四百一十有九和買爲
絹一萬八千四百五十有一捐其坍失者合輸絹萬有
八千二百二十有九緡二百六十有九綿爲兩二萬三
千一百一十捐其坍失者合輸兩二萬七百七十有八
茶租爲緡七百四十小綾二百五十爲緡一千五百四
十米爲斛二萬四百蠲閣者斛五百有七合輸斛一萬
九千剡田厥上依溪作碓厥中陂池爲利厥下者以雲

剡錄

卷一

三

雨爲豐凶其得陂碓者十不能二三故田事饒薄農人
艱難他州豐剡不能全熟而又稅重科濫催督罕輕使
已納者不復輸合科者不復過則田磽農難尚庶幾焉
縣郭爲戶一千一百九十四爲丁一千八百九十五嘉定
以後

鄉落爲戶三萬二千爲丁五萬六千八百一十八嘉定以
後

兵籍

尉司弓兵一百人

長樂寨兵一百人
管界寨兵一百人

剡錄卷一終

剡錄

卷一

十四